	IME I PREZIME		FELIKS VIDOVIĆ		
	FUNKCIJA		MINISTAR PRAVDE		
	STRANKA		HDZ BiH		
	BROJ IZOSTANAKA SA SJEDNICA VLADE U 2009.g.		8		
	SUMA ²² PRIMANJA MINISTRA U 2008.g.		SUMA PRIMANJA MINISTRA U 2009.g.		
≈56.900 KM		≈48.100 KM			

PREDLOŽENI I UTVRĐENI AKTI NA VLADI FEDERACIJE BIH TOKOM 2009. GODINE

TIP AKTA	PLANIRANO PROGRAMOM	REALIZOVANO IZ PLANA ZA	NEREALIZOVANO, A PLANIRANO	REALIZOVANO VAN PROGRAMA	USVOJENI AKTI - U VEZI SA G.P.
ZAKONODAVNE AKTIVNOSTI					
ZAKON	-	-	-	8	6
PRIJEDLOZI PODZAKONSKIH I DRUGIH NORMATIVNIH AKATA					
UREDBA	-	-	-	3	2
ODLUKA	-	-	-	8	1
PRAVILNIK	-	-	-	5 (+6SN)	0
UGOVOR / SPORAZUM	-	-	-	2	1
UPUTSTVO	-	-	-	0	0
RJEŠENJE	-	-	-	2 (+17SN)	1
INFORMATIVNO – ANALITIČKI DIO					
DRUGO (liste)	-	-	-	0 (+18SN)	0
INFORMACIJA	-	-	-	8	4
IZVJEŠTAJ	-	-	-	3	2
AKCIONI PLAN	-	-	-	1	1
PROGRAM	-	-	-	0 (+1SN)	0
ZAKLJUČAK	-	-	-	2	0
IZJAŠNENJE / MIŠLJENJE	-	-	-	8	1
POSLOVNIK	-	-	-	1	1
UKUPNO	-	-	-	51 (+42SN)	20

Ministarstvo pravde. Interesantno po pitanju povezanosti sa zahtjevom iz Građanske platforme „da se smanje troškovi javne administracije“, premijer je još tokom septembra mjeseca tražio od ministarstva, uprave, upravne organizacije, stručne službe, te Službe za zajedničke poslove federalnih organa i tijela da se zbog teškog stanja Federalnog budžeta hitno ispita mogućnost i smanjenji broj zaposlenih u ovim institucijama. Svi su zaduženi da svoje prijedloge dostave Ministarstvu pravde, a isti su na osnovu toga pripremili gorenavedenu informaciju.

Na prijedlog ministra Vidovića, tokom 123. sjednice Vlade usvojen je i Izvještaj o toku aktivnosti na provedbi projekta „Sistem obuke za jedinice lokalne samouprave u BiH“ sa Prijedlogom zaključaka. Kako je navedeno u ovom izvještaju, postoje određeni pomaci na svim nivoima vlasti, ali ipak preovladava mišljenje da su trenutni kapaciteti nedovoljni za efikasno privlačenje i upotrebu sredstava iz fondova EU. Vlada je tada obavezala Federalno ministarstvo pravde i Agenciju za državnu službu FBiH da nastave sa aktivnostima na daljnjoj provedbi projekta, što uključuje promovisanje rezultata Analize potreba za obukom, te uspostavu Radne skupine za izradu „Strategije za obuku u jedinicama lokalne samouprave“, zajedno sa Savezom opština i gradova Federacije BiH.

U prvih devet mjeseci 2009. godine Ministarstvo pravde Federacije BiH je pripremlilo, a Vlada utvrdila 5 zakona. U posljednjem kvartalu iste godine Vlada je utvrdila 3 nova zakone na prijedlog ministra Vidovića. Tek polovina utvrđenih iz neusvojenog je Nacrta Programa rada. Ako posmatramo po strukturi utvrđenih zakona, zaključićemo da su 3 temeljna zakona, dok ostala 4 ustvari predstavljaju izmjene i/ili dopune zakona.



Za godinu dana Ministarstvo pravde Federacije BiH realizovalo je 17% planiranih zakona iz Nacrta programa rada Vlade Federacije BiH za 2009. godinu. 4 od 23.

Među realizovanim zakonima u posljednjem kvartalu samo je „Zakon o izmjenama i dopunama Zakona o slobodi pristupa informacijama u F BiH“ dio Nacrta programa rada Vlade Federacije BiH za 2009. godinu. Ovim izmjenama se u odnosu na tekst originalnog Zakona, iz Prijedloga brišu odredbe koje se odnose na prestanak nadležnosti Ombudsmana FBiH. Međutim, to ne znači i oduzimanje

prava zainteresiranim strankama da na ovaj način štite vlastita prava, jer to mogu ostvariti obraćanjem Ombudsmanu Bosne i Hercegovine.

Takođe, utvrđen je i „Nacrt zakona o platama i naknadama u organima vlasti Federacije Bosne i Hercegovine, a ovaj zakonski akt je izraz potrebe da se na jedinstven način definiše ova oblast do sada regulisana u više zakona i podzakonskih propisa. S tim ciljem, njegove odredbe odnose se na izabrane predstavnike, nositelje izvršnih funkcija i savjetnike u organima zakonodavne i izvršne vlasti u FBiH, tako i državne službenike i namještenike u organima državne službe Federacije i policijske službenike organa unutrašnjih poslova Federacije. Njime se propisuju platni razredi i koeficijenti za kategorije nositelja izvršnih funkcija, izabranih predstavnika i savjetnika, državnih službenika i namještenika, kao i policijskih službenika, s tim što bi, jedinstvena osnovica bila utvrđivana u dogovoru Vlade FBiH i sindikata.


O takođe realizovanom „Nacrtu zakona o zaštiti i postupanju sa djecom i maloljetnicima u krivičnom postupku“ smo više rekli u nastavku gdje su opisivani akti koji su značajno u vezi sa zahtjevima iz Građanske platforme.

Na trenutni status u Parlamentu Federacije BiH utvrđenih zakona u 2009. godini, na prijedlog ministra Vidovića, upućuje nas tabela ispod:

Naziv zakona	Programiran	Datum utvrđivanja na Vladi FBiH	Zakon usvojen na PD FBiH (DATUM)	Zakon usvojen na DN F BiH	USVOJEN U OBA DOMA
(Nacrt) Zakon o zaštiti od nasilja u obitelji	NE	14.01.09. (Nacrt)	24.03.2009.	12.05.2009.	NE (Prihvaćen nacrt)
Zakon o izmjenama i dopunama Zakona o izvršenju krivičnih sankcija u Federaciji Bosne i Hercegovine	DA	18.02.09.	-	-	NE
Zakon o dopunama zakona o izvršnom postupku	DA	12.03.09.	05.05.2009. Usvojen prijedlog	02.06.2009. Usvojen prijed.	DA
Zakon o dopunama Zakona o državnoj službi u F BiH	DA	25.03.09.	21.04.2009. Usvojen prijedlg	02.06.2009. (Vraćen na konsultacije)	NE
Zakon i izmjenama Zakona o parničkom postupku	NE	25.05.09.	-	-	NE
(Nacrt) Zakon o zaštiti i postupanju sa djecom i maloljetnicima u krivičnom postupku	NE	12.11.09. (Nacrt)			NE
Zakon o izmjenama i dopunama Zakona o slobodi pristupa informacijama u F BiH	DA	24.11.09.	13.01.2010. (izvan izvještajnog perioda)		NE
(Nacrt) Zakon o plaćama i naknadama u organima vlasti Federacije Bosne i Hercegovine	NE	14.12.09. (nacrt)	13.01.2010. (NC)	28.01.2010. (NC)	NE (prihvaćen izvan analiziranog perioda)

Ministarstvo pravde je napravilo određen pomak po pitanju pripreme zakona u posljednjem kvartalu 2009. godine. Sa druge strane, priprema zakona za utvrđivanje na Vladi F BiH predstavlja i najveću poteškoću u radu ovog Ministarstva, što je najvidljivije ako uzmemo u obzir broj programiranih zakona koji iz godine u godinu ostaju nerealizovani.

Prethodna tabela nam otkriva kako se ovaj problem i dodatno produbljuje uzmemo li u obzir koliko zakona ministra Vidovića za godinu dana prođe parlamentarnu proceduru. Od 23 zakona iz Nacrta programa Vlade F BiH za 2009. godinu, a iz domena nadležnosti Ministarstva pravde, zaključno sa 31.12.2009.g. utvrđena su 4, a parlamentarna procedura je završena za - jedan.



Preostali zakoni iz Nacrta programa rada Vlade Federacije BiH za 2009. godinu:


1. Zakon o nasljeđivanju;
2. Zakon o izmjenama i dopunama Zakona o zemljišnim knjigama FBiH;
3. Zakon o tužiteljstvima u Federaciji Bosne i Hercegovine;
4. Zakon o izmjeni Zakona o odvjetništvu u Federaciji Bosne i Hercegovine;
5. Zakon o izmjenama i dopunama Zakona o ministarstvima i drugim tijelima federalne uprave;
6. Zakon o izmjenama i dopunama Zakona o Vladi Federacije BiH;
7. Zakoni o proglašavanju gradova;
8. Zakon o izmjenama i dopunama Zakona o organizaciji organa uprave u F BiH;
9. Zakon o izmjenama i dopunama zakona o namještenicima u organima državne službe u F BiH;
10. Zakon o ustanovama;
11. Zakon o izmjenama i dopunama Zakona o ministarskim i vladinim imenovanjima;
12. Zakon o izmjenama i dopunama Zakona o grbu i zastavi u FBiH;
13. Zakon o izmjenama i dopunama Zakona o izboru, prestanku mandata, opozivu i zamjeni načelnika opština u F BiH;
14. Zakon o inspekcijama Federacije Bosne i Hercegovine;
15. Zakon o izmjenama i dopunama Zakona o udrugama i fondacijama;

16. Zakon o izmjenama i dopunama Zakona o upravnom postupku;
17. Zakon o izmjenama i dopunama Zakona o pravima izabраних dužnosnika i nositelja izvršnih funkcija i savjetnika u institucijama vlasti F BiH;
18. Zakon o stvarnim pravima;
19. Zakon o osnivanju odgojno – popravne ustanove za maloljetnike.

Među ovim zakonima krije se i najveći broj rekordera po pojavljivanjima u različitim programima rada Vlade, a da na kraju godine jednostavno ostanu nerealizovani. Još od 2007. godine iz prethodnog spiska nam je poznato čak 14 zakona i to: Zakon o nasljeđivanju, Zakon o izmjenama i dopunama Zakona o zemljišnim knjigama FBiH, Zakon o tužiteljstvima u F BiH, Zakon o izmjeni Zakona o odvjetništvu u F BiH, Zakon o izmjenama i dopunama Zakona o ministarstvima i drugim tijelima federalne uprave, Zakoni o proglašavanju gradova, Zakon o osnivanju odgojno – popravne ustanove za maloljetnike, Zakon o izmjenama i dopunama zakona o namještenicima u organima državne službe u F BiH, Zakon o ustanovama, Zakon o izmjenama i dopunama Zakona o ministarskim i vladinim imenovanjima, Zakon o izmjenama i dopunama Zakona o grbu i zastavi u FBiH, Zakon o izmjenama i dopunama Zakona o udrugama i fondacijama, Zakon o stvarnim pravima, kao i Zakon o izmjenama i dopunama Zakona o organizaciji organa uprave u F BiH.

Osvrt na cjelokupan period dosadašnjeg mandata – zaključno sa 31.12.2009. godine

Za tri godine mandata, zaključno sa istekom 2009. godine, na prijedlog Ministarstva pravde razmatrano je 167 tačaka na dnevnom redu Vlade Federacije, što ukupno čini 4,2% od ukupno razmotrenih. Omjer učešća Ministarstva pravde u broju realizovanih akata na sjednicama Vlade Federacije je u velikoj suprotnosti sa stvarnim potrebama za potencijalnim rješenjima kojim bi se moglo uticati na povećanje efikasnosti po pitanju realizacije planiranih aktivnosti, a posebno zakona što smo prethodno apostrofirali. U prosjeku po mjesecima na sjednicama Vlade Federacije realizovano je 4,9 tačaka prijedlogom ministra pravde. Gornji ekstrem bilježimo u maju 2008. i novembru 2009. – 13 tačaka, a donji od 0 tačaka bilježimo u 2 navrata i to upravo tokom 2009. godine (ne uzimajući u obzir mjesec konstituisanja).



Pored određenih utvrđenih zakona na prijedlog Ministarstva pravde koje smo izdvajali po važnosti za standar života u Federaciji BiH, mogli bi još spomenuti i realizovan Sporazum o saradnji između Vlade Federacije Bosne i Hercegovine i Međunarodne finansijske korporacije. Nije bilo realizovanih strateških dokumenata i akcionih planova.


- Pregled realizacije zakona u periodu prve polovine mandata (2007 – 2008. godina)

2007. GODINA					
Naziv zakona	Datum utvrđivanja na Vladi F BiH	Zakon usvojen na PD FBiH (DATUM)	Zakon usvojen na DN FBiH	ODBIJEN / POVUČEN	USVOJENI U OBA DOMA u 2007.g.
Zakon o načinu prestanka funkcionisanja Institucije ombudsmena F BiH u prelaznom periodu i prenosu njenih nadležnosti na Instituciju ombudsmena za ljudska prava BiH	19.04.2007 5. sjednica	30.05.2007. USVOJEN	12.07.2007. USVOJEN		DA
Zakon o izmjen. i dop. Zakona o kaznen. postupku F BiH	26.04.2007. 6. sjednica	30.05.2007. USVOJEN	02.07.2007. POVUČEN	POVUČEN	NE
Zakon o izmjen. i dop. Zakona o namještenicima u organima državne službe u Federaciji BiH	09.11.2007 32.sjednica	03.07.2007. <i>(10.01.2008. USVOJEN)</i>	26.07.2007. Prihvaćen uz zaključke		DA
Zakon o izmjen. i dop. Zakona o grbu i zastavi u Federaciji BiH	16.05.2007. 9.sjednica	03.07.2007. Premijer povukao iz procedure		POVUČEN	NE
Zakon o pomilovanju	23.05.2007 10.sjednica			POVUČEN	NE
Zakon o izmjenama i dopunama zakona o pečatu	21.06.2007	26.06.2007.	26.06.2007.		DA
Nacrtr zakona o zaštiti prava pripadnika nacionalnih manjina u F BiH	NC 14.11.2007 33.sjednica	10.01.2008. Zaključkom prihvaćen			NE
Nacrtr Zakona o uspostavljanju Grada Zenica	NC 03.12.2007	Nema informacija da je zakon bio na dnevnom redusjednica		POVUČEN (?)	NE


Nacrt Zakona o uspostavljanju Grada Jajce	35. sjednica NC 03.12.2007 35. sjednica	Parlamenta F BiH		POVUČEN	NE
2008. GODINA					
Naziv zakona	Datum utvrđivanja na Vladi F BiH	Zakon usvojen na PD FBiH (DATUM)	Zakon usvojen na DN FBiH	ODBIJEN / POVUČEN	USVOJENI U OBA DOMA u 2008.g.
Nacrt zakona o Sudskoj policiji Federacije BiH	31.01.08.	27.02.08. (Prihvaćen nacrt)	23.05.08. (Prihvaćen nacrt)		NE (Prihvaćen nacrt)
Nacrt zakona o službenicima u organima državne službe u Federaciji Bosne i Hercegovine	04.04.08.			POVUČEN	NE
Zakon o izmjenama i dopunama Zakona o vještacima;	04.04.08.	06.05.2008.	29.05.2008.		DA
Zakon o zaštiti prava pripadnika nacionalnih manjina u Federaciji Bosne i Hercegovine	21.05.08.	16.07.2008	17.07.2008.		DA
Zakon o izmjenama i dopunama Zakona o krivičnom postupku Federacije Bosne i Hercegovine	03.09.2008.	23.09.2008.	20.11.2008.		DA
Zakon o sukobu interesa u organima vlasti u BiH	16.09.2008.	14.10.2008. (uz amandmane)	24.10.2008. (sa amandmanima PD)		DA
<u>Prijedlog zakona utvrđen na 74. sjednici Vlade F BiH (amandmani sa PD)</u>	23.10.2008.				
Zakon o pomilovanju	13.11.08.	17.12.2008.	30.12.08.		DA
Prijedlog zakona o plaćama i drugim naknadama sudija i tužilaca u Federaciji Bosne i Hercegovine	03.12.08.		19.03.09.		DA

Ako zakonima iz prethodne tabele pridodamo i one koji su utvrđeni na sjednicama Vlade Federacije BiH tokom 2009. godine, rezultati realizacije zakona od strane Ministarstva pravde BiH nakon 3 godine rada nam govore sljedeće:

- Za tri godine, na prijedlog Ministarstva pravde, Vlada Federacije je utvrdila 22 različitih zakonskih rješenja (13 iz programa rada i 9 neplaniranih);
- Od pomenuta 22 zakona, 4 (18%) nije usvojeno u Parlamentu Federacije BiH – povučeni od strane predlagača, trenutno u parlamentarnoj proceduri se nalazi 8, dok je ostalih 10 uspješno prošlo proceduru.




Detaljnije, posmatrajući zakonodavni dio godišnjih programa rada Ministarstva pravde F BiH za period 2007 – 2009. godina, evidentirano je čak 26 ponavljanja zakona iz godine u godinu nakon što u prethodnoj ostanu nerealizovani, odnosno nakon što u jednoj godini budu planirani u formi nacrt, a u drugoj u formi prijedloga. Ne brajajući duplo zakone koji se ponavljaju dolazimo do 39 različitih zakona iz Programa Ministarstva za tri godine, od kojih je utvrđeno 13.



Dalje, po isteku 2009. godine, od tih 13 potpunu Parlamentarnu proceduru je prošlo 6 zakona, povučena od strane predlagača 2, dok se 5 zakona nalaze u proceduri. Kao što smo bilježili i prije tri mjeseca u sličnoj analizi, Ministarstvo pravde na čelu sa ministrom Felikom Vidovićem je u parlamentarnoj proceduri realizovalo samo 15% od planiranih različitih zakona iz trogodišnjih programa rada.

Da bi imali realnu sliku o tome koliko je Vlada Federacije BiH realizovala zakona u odnosu na sveukupno planirane po godinama moramo prikazati i tačan broj zakona koje je određeno ministarstvo planiralo u istima, ne obazirujući se na ponavljanja zakona iz godine u godinu. U isto vrijeme, prateći utvrđivanje tih zakona na Vladi, „bodovali“ smo sve utvrđene bez obzira na formu (prijedlog ili nacrtni).



Sa tim u vezi, Ministarstvo pravde je u 2007. godini planiralo realizovati 24, u 2008. godini 28, a u tekućoj 2009. godini 23 zakona, tj. ukupno 75 za tri godine.

Efikasnost realizacije na sjednicama Vlade Federacije sveukupnog broja planiranih zakona Ministarstva pravde u periodu 2007-2009.g., a zaključno sa 31.12.2009. godine iznosi 20%. Procenat realizacije tih zakona u Parlamentu Federacije BiH iznosi 8% - od 75 usvojeno 6! Kao što prikazuje prethodni dijagram, Ministarstvo pravde je na činjenicu da se iz godine u godinu povećava količina duga u smislu nerealizovanih zakona iz programa rada, reagovalo na način da su svake godine sve manje planiranih zakona realizovali na sjednicama Vlade.

Realizovane mjere u skladu sa javnim interesom


U posljednjem kvartalu 2009. godine Ministarstvo pravde je realizovalo jednu značajniju aktivnost (mjeru) za realizaciju zahtjeva iz GP u vezi sa osnovama socijalne sigurnosti djece i maloljetnika kao jednih od najugroženijih socio kategorija u BiH. Govorimo o „Zakonu o zaštiti i postupanju sa djecom i maloljetnicima u krivičnom postupku“.

Naziv akta (mjere)	Kraće obrazloženje
Zakon o zaštiti i postupanju sa djecom i maloljetnicima u krivičnom postupku	Vlada FBiH se opredijelila da posebnim zakonom reguliše postupanje prema maloljetnicima u kaznenom postupku, na osnovu analize međunarodnih standarda u ovoj oblasti i po uzoru na savremene zakonodavne sisteme. Ovim zakonom se utvrđuju posebna pravila postupanja prema djeci koja se nalaze u sukobu sa zakonom, mlađim punoljetnim osobama i djeci koja su žrtve ili svjedoci po kojima su dužni postupati sudovi, tužilaštva,

uključujući ovlaštene službene osobe, organi starateljstva, porodice, škole, institucije na svim nivoima društvene zajednice, kao i drugi učesnici uključeni u krivičnu proceduru. Pojedine cjeline ovog zakona sistematski rješavaju pitanja maloljetničkog prijestupništva, što je omogućeno uključivanjem u Zakon odredbi o materijalnom i o procesnom pravu, o organizaciji sudova, o izvršenju sankcija koje se izriču maloljetnim učioniocima krivičnih djela, kao i dijela koji se odnosi na krivična djela izvršena na štetu djece i maloljetnika.

Sumarno, tokom 2009. godine, Ministarstvo pravde je realizovalo 3 mjere koje su značajne po pitanju realizacije zahtjeva iz dokumenta „Građanska platforma“, i to:

- Zakon o zaštiti od nasilja u obitelji;
- Sporazum o saradnji između Vlade Federacije Bosne i Hercegovine i Međunarodne finansijske korporacije;
- Zakon o zaštiti i postupanju sa djecom i maloljetnicima u krivičnom postupku;



Od Federalnog ministarstva pravde smo morali dobiti mnogo veći broj mjera koje su direktno u vezi sa zahtjevima iz Građanske platforme, posebno smanjenju korupcije, te uređenju troškova javne administracije, a vođeni činjenicom da su se među planiranim i nerealizovanim zakonima iz 2009. godine nalazili i: Zakon o tužiteljstvima u Federaciji Bosne i Hercegovine, Zakon o izmjenama i dopunama Zakona o organizaciji organa uprave u F BiH, Zakon o izmjenama i dopunama zakona o namještenicima u organima državne službe u F BiH, Zakon o inspekcijama Federacije Bosne i Hercegovine, Zakon o stvarnim pravima, Zakon o osnivanju odgojno – popravne ustanove za maloljetnike, Zakon o izmjenama i dopunama Zakona o pravima izabраних dužnosnika i nositelja izvršnih funkcija i savjetnika u institucijama vlasti F BiH – svi u značajnoj vezi sa zahtjevima iz Građanske platforme.

Ostvarena primanja ministra u 2009. godini

Mjesec	Neto plata KM	Topli obrok KM	Odvojeni život	Troškovi smještaja	Ukupno
Januar	2.706,44	216,16	532,14	500,00	
Februar	2.706,44	316,00	544,82	500,00	
Mart	2.706,44	332,01	545,07	500,00	
April	2.706,44	219,58	541,38	500,00	
Maj	2.706,44	280,98	538,14	500,00	
Juni	2.706,44	≈250,00	≈500,00	500,00	
Juli	NAPOMENA: Na traženje Sekretarijata Vlade F BiH od ministara da, po zahtjevu CCI, dostave informaciju o ostvarenim primanjima u drugoj polovini 2009. godine, u ovom slučaju ta informacija nije dostavljena zaključno da 03.02.2010. godine. Informaciju su dostavili: Premijer Mustafa Mujezinović, te ministri Alić Muhidin, Ljubić Damir, Radivojević Desnica, Šećkanović Nail i Mušić Edin. NAPOMENA 2: Zaključak o približno ostvarenim primanjima tokom 2009. godine izveli smo na način da smo uduplali ostvareno tokom prve polovine 2009. godine, za koji period smo imali podatke iz računovodstva Sekretarijata.				
Avgust					
Septembar					
Oktobar					
Novembar					
Decembar					
UKUPNO	Σ	Σ	Σ	Σ	≈48.100,00 KM

Kao i drugi, u skladu sa Zakonom o pravima izabраних dužnosnika, nosilaca izvršnih funkcija i savjetnika u institucijama Federacije Bosne i Hercegovine ("Službene novine Federacije BiH ", br 59/06 i 84/08) i važećim podzakonskim aktima, ministar Vidović ostvaruje i pravo na dnevnice za putovanja, troškove za reprezentacije, troškove prevoza službenim automobilima, troškove za mobitel, regres, isl.

Uporedni pregled ostvarenih rezultata kroz nekoliko segmenata u djelovanju ministarstva tokom perioda 2007 - 2009. godine

Ministarstvo pravde F BiH	2007. GODINA	2008. GODINA	2009. GODINA	TREND
Ukupan broj realizovanih mjera na sjednicama Vlade F BiH	49	67	51	↓(-)
Procenat realizacije Programa rada	28%	27%	/	↓(-)
Ukupan broj realizovanih različitih zakona (nacrti i prijedloga)	9	8	8	=
Broj realizovanih zakona iz Programa rada	6	5	4	↓(-)
Procenat realizacije zakona iz Programa rada	25%	18%	17%	≈

Broj usvojenih zakona iz Programa Vlade u Parlamentu F BiH - (Procenat u odnosu na broj planiranih)	1 (4%)	3 (11%)	1 (4%)	↓(-)
Broj realizovanih mjera u vezi sa GP	10	26	20	↓(-)
Broj realizovanih vrlo značajnih mjera GP(+)	2	0	3	↑(+)
Izostanci sa sjednica	6	6	8	↓(-)
Plata ministra (neto na nivou godine)	≈55.400 KM	≈56.900 KM	≈49.100 KM	↑(+)

Već na prvi pogled možemo zaključiti kako je većina poredbenih parametara u vezi sa efikasnosti u radu Ministarstva pravde Federacije BiH u padu na kraju 2009. godine, a poredeći sa stanjem iz 2008. godine.

Na samom početku uočavamo kako je Ministarstvo pravde tokom 2009. godine smanjilo broj akata koje je pripremalo na godišnjem nivou za potrebe sjednica Vlade Federacije BiH. Realizacija sveukupnih aktivnosti iz godišnjih programa rada je bila u padu na kraju 2008. godine, poredeći sa 2007. godinom, dok 2009. godinu karakteriše rad bez usvojenog programa rada na Vladi.

Prethodna tabela je samo potvrdila pravilo da Ministarstvo pravde F BiH ima mnogo problema kada je riječ o realizaciji zakona iz Programa rada. Od početka mandata smo bili zadovoljni količinom i karakterom zakona koji su se nalazili u planovima rada Ministarstva pravde, ali je apsurdna situacija da je najbolji procentualni rezulta po pitanju utvrđivanja planiranih zakona ustvari onaj iz 2007. godine - samo 25%. Taj rezultat je šira javnost još tada najoštrije osudila, ali to očigledno nije imalo bilo kakav uticaj na daljni tok u radu ministra Vidovića, jer se procenat narušavao iz godine u godinu, pa na kraju 2009. iznosi 17%. Osim što su velike poteškoće da zakoni Ministarstva pravde budu utvrđeni na Vladi Federacije, još je poraznija situacija kada ispratimo tok planiranih zakona u Parlamentu Federacije BiH.

Indikator koji je pozitivno napredovao odnosi se na broj realizovanih mjera koje su značajno u vezi sa zahtjevima iz Građanske platforme (sa 0 iz 2008. godine, na 3 u 2009. godini), iako je broj mjera koje su djelimično u vezi u padu na kraju 2009. godine, a poredeći sa prethodnom.

I u slučaju ministra Vidovića, iako smo zbog godine globalne svjetske krize i najavljene štednje očekivali još veće smanjenje, pozitivna je činjenica u vezi sa manjim ostvarenim prihodima tokom 2009. godine za približno 14%, a poredeći sa stanjem iz 2008. godine.